

MARTYROLOGIVM,

Sanctæ Romanæ Ecclesiæ

vſui,

IN SINGVLOS ANNI DIES,

accommodatum

Calendis Januarij.

Luna.

A.iii.

20 1 12 23 4 15 26 7 18 29 10 21 2 13 24 5 16 27
A b c d e f g h i k l m n o p q r s t



Ircuncisio Iesu Christi, Domini nostri ; cum
ab angelo impositum est ei sacrosanctum il
lud nomen, Iesus. Octauæ item diei Natalis
eius. Romæ, sancti Almachii martyris : qui
Alypii, vrbs præfecti iussu, a gladiatoribus
contrucidatus est ; propterea quod genti-
bus, idola colentibus, dixerit: Hodie Octa-
uæ diei Natalis Domini sunt : cessate a su-
perstitionibus, & cultu falſorum deorum.

Spoleti, sancti Concordii presbyteri, & martyris. Hic, e patre Gor-
diano Romæ natus, presbyter factus, ieiuniis, & orationibus assidue
deditus, eleemosynis pauperes subleuare studuit. Cuius fama peru-
ulgata, Torquatus, Thusciæ comes, ad se illum accersit. is ut ve-
nit, nomen ab tyranno rogatus, se Christianum profiteretur. in qua fi-
dei confessione perseuerans, primum virgis cæsus, deinde equuleo
tortus, tum fame, ac vinculis pene confectus. post denique, quia Io-
uis simulacro, ad se in carcerem delato, cultum tribuere noluit, ab
scisso capite, martyrii palmam, Antonino Imperatore, accepit. Ro-
mæ, sanctæ Martinæ virginis, & martyris. quæ e patre, viro Consula-
ri, orta, in Christianam religionem se dicarat: a qua vt amoueretur,

A ad

IANVARIVS.

ad Apollinis sacra, Alexandro Cæsare iubente, in illius templum ingressa, vbi Christi Domini orandi finem fecit, terremoto facto, pars eius templi corruit. ea re animaduersa, Imperator virginem alapis cædi, vncisq; ferreis illius vultum lacerari iubet. Quibus autem satellitibus id impietatis officium delegatum est, octo erant, qui diuino quodam lumine circumfusi, crudele facinus abhorrentes, IESV CHRISTI Domini fidem amplexi, in eius confessione martyrium constantissime subierunt. Martina vero deinde, iterum atq; iterum tormentis acerrimis varie cruciata, a fidei proposito abduci nullo modo potest. itaque teterrimo leoni post exposita, tum in ignem coniecta; ab vno, & altero item periculo liberata diuinitus; demum Imperatoris iussu gladio percussa, martyrii adepta est palmam. Romæ præterea, via appia, sanctorum triginta militum martyrum, quibus pro constanti fidei Christianæ tuendæ studio caput Diocletianus Cæsar præcidi iussit. Cæsareæ in Cappadocia, sancti Basilii Magni, Episcopi: cuius dies festus præcipue colitur decimo octauo calendæ Iulii. Alexandria in Aegypto sanctæ Euphrosynæ virginis: quæ ab infantia spretis nuptiis, virginalis vitæ studiosa; vt in rerum diuinarum contemplatione liberius conquiesceret, patri, atq; adeo aliis, a quibus impediri potuisset, latere voluit. itaq; monachalem habitum suscipiens, non muliebrem, sed virilem induit: eaq; ratione, ac nomine etiam mutato, cum Smaragdum se appellari voluisset, se se occultans, per annos octo, & triginta, in ieiuniis, orationibus, aliisque pietatis officiis vitam sancte egit: virtutibusq; multis, ac miraculis virgo florens, abiit ad Dominum. In Africa, sancti Fulgentii, Ruspensis Ecclesiæ Episcopi. Hic, Vandalis Ecclesiâ Dei oppugnantibus, ob catholicæ fidei defensionem multas perpressus insidias, in exilium cum aliis sexaginta Episcopis ad insulam Sardiniam mittitur: vnde tandem ad Ecclesiam suam reuocatus, anno ante obitum Episcopatus cedens, in monasterium se abdidit: vbi, doctrinæ & sanctitatis laude clarus, in Domino quieuit. Sancti item Fulgentii vtriculani Episcopi, quia Gothis, Arianis hominibus, intra certos cuiusdam circuli fines sub dio conclusus, in summa pluuia ne guttam quidem aquæ sensit. Bononiæ, sancti Proculi Episcopi: cui pro fidei catholicæ propugnatione caput iussu Totilæ, Gothorum

thorum regis, præcisum est. In agro Lugdunensi, sancti Eugendi Ab-
 batis, vitæ sanctitate, virtutumq; meritis insignis. Vienne in Gallia,
 sancti Clari Abbatis, cuius vita in omni pietate eluxit. Eodem die,
 sancti Magni martyris, & aliorum plurimorum sanctorum marty-
 rum, confessorum, atque virginum. *Deo gratias. Ex sic singula-
 rum lectionum finis concluditur.*

Quarto nonas Ianuarij.

Luna.

B.

10 11 2 13 24 31 6 27 8 19 30 11 22 3 14 24 6 17 28
 A b c d e f g h i k l m n o p q r s t

O *Grava Sancti Stephani.* Thomis in ponto, sanctorum marty-
 rum, Argei, Narcissi, & Marcellini. Hic cum sub Licinio prin-
 cipe militare nollet, quoniam se Christianum esse affirma-
 ret; nec debere propterea illius, idola colentis, militiae adscribi;
 eam ob causam virgis crudeliter cæsus, diu in vinculis fuit. quem Ar-
 geus, & Narcisus, fratres, cum aliquando inuiserent, comprehensi
 item sunt, & in carcerem coniecti: in Christianaque fide constantes,
 securi percutiuntur. Marcellinus autem in mare proicitur: sicque
 hic, & illi duo martyrio coronantur. In Gallia ad Rhodanum flu-
 uium, sancti Defendentis, & aliorum multorum militum, qui, Maxi-
 miano Imperatore, pro Christo Domino cruciatibus eo loco affe-
 cti, martyrii coronam consecuti sunt. ad cuius fluminis ripam a san-
 cto Theodoro, Massiliæ Episcopo, Defendentis martyris corpus se-
 pultum est; eiusq; nomine Ecclesia dicata. Cæsareæ, sancti Basilii
 martyris, qui, Iuliano Imperatore nominis Christiani hoste teterrimo,
 fidei causa ad præfectum Galatiæ perductus, Christi diuinitatem
 libere constanterque confessus, primum equuleo torquetur, &
 terreo pectine cruciatur. deinde victus Constantinopolim missus,
 variis tormentis affectus, in ignem iniicitur; vnde mirabiliter, ac di-
 uinitus liberatur. Post Cæsaream ductus, læne truculentæ, quæ fa-
 me confecta pene erat, exponitur: quo in cruciatu præclaris pietatis
 officiis, & confessionibus fidei in Christum insigniter nobilitatus, ce-
 lestem martyrii coronam accepit. In Thebaide, sancti Macarii Ale-

xandrini, abbatis: qui desertissimarum solitudinum amans, diaboli multas tentationes expertus, ieiunio, & oratione vicit: aliis denique virtutibus, & sanctitate clarus, migravit ad Dominum. Antiochiæ sancti Isidori Episcopi, & martyris. qui catholicæ fidei defensor acerrimus, ab impiis Arianis vehementer oppugnatus, demum, in summo cerramine fortiter se gerens, pro Christo Domino sanguinem profudit, Theodosio, & Arcadio Imperatoribus. Mediolani, sancti Martiniani Episcopi. Hic illius vrbis septimus, & decimus Episcopus, sanctitate, & multis miraculis clarus, Innocentio Primo Pontifice, quieuit in Domino. Apud Cluniacum, sancti Odilonis Abbatis, viri pietatis studio, elemosynarum liberalitate, & rebus sancte mirabiliterq; gestis clarissimi. eius dies natalis, & si calendis est, hodie tamen celebratur. Apud Corbeiam, sancti Adelardi abbatis. is, regio genere natus, Caroli Magni consobrinus, rebus huius sæculi spretis, atque contemptis, vigesimo ætatis anno fit monachus. quo in vitæ genere hoc præter cætera habuit, vt quotidie, bis saltem, mane ac vesperi, sua alienaq; peccata profusis vberime lacrymis, deploraret. Abbas autem creatus, ita omni virtute floruit, vt Antonii sanctissimi Abbatis nomine illum aliqui appellarent. meritorum igitur magnitudine cumulatus, ætate in religionis studio acta, animam Deo reddidit. Hoc ipso die, sancti Spiridonis Episcopi; sancti item Baldulphi Confessoris, & aliorum sanctorum. vt supra.

Cii.

Tertio nonas Ianuarij.

Luna.

11	22	3	14	25	6	17	28	9	20	1	12	23	4	15	26	7	18	29
a	b	c	d	e	f	g	h	i	k	l	m	n	o	p	q	r	s	t

3 **O**raua sancti Ioannis Apostoli. Romæ via appia, sancti Antheri Papæ, & martyris. is cum ad Ecclesiæ gubernacula sedisset annis duodecim, passus est, Maximino Imperatore: pro preerea quod res gestas Martyrum a notariis conquiri, & litteris mandari, in ecclesiaque asseruari iussit. In Helleponto apud Cyricum vrbem, sanctorum martyrum, Cyrici primi, & Theogenis. Hic Licinii

Licini Principis iussu, quatuor palis alligatus, varie cœsus, in mare abiectus est. In vrbe Aulana, sancti Petri martyris: qui, iubente Se- uero præside, crucis supplicio affectus est, Diocletiano Imperatore. Cæsareæ in Cappadocia, sancti Gordii Martyris: cuius illustre cer- tamen, pro Christo Domino fortiter susceptum, ex concione appa- ret, quam de eo Basilius magnus habuit. Viennæ, sancti Florētii Epi scopi, & martyris. Parisii, sanctæ Genouefæ virginis: quæ ab sancto Germano Altissiodorensi Episcopo, in religionem Christo dicata, octuaginta annis in suscepto religiosæ vitæ instituto, sanctè vixit, Clodouæo rege, multis virtutibus, & miraculis clara. Patauii, sancti Danielis leuitæ, & martyris inuentio. Is enim, sancti Prosdocimi Episcopi diaconus, cum Christianam fidem constantissime palam prædicaret, ab vrbis præfecto comprehensus, inter lapideam, & li- gneam tabulam clavis confossus, martyrio coronatur. Illius corpus diu occultum, Vlderichi eiusdem vrbis Episcopi precibus, admira- biliter multis post illius martyrium annis hoc ipso die inuentum est, summa cleri, & populi celebritate. In pago Vriomandensi, In- uentio item, & translatio sancti Quintini martyris. Hoc ipso die, Malachia prophetæ, & aliorum sanctorum, vt supra.

Pridie nonas Ianuarij. Luna. D.

12	24	4	15	26	7	18	29	10	21	2	13	24	5	16	27	8	19	30
A	b	c	d	e	f	g	h	i	k	l	m	n	o	p	q	r	f	t

OCrata sanctorum Innocentium. Sancti Titi, qui ab Paulo 4 Apostolo institutus Cretensium Episcopus, & in Creta, & in aliis Cretæ finitimis insulis euangelicæ prædicationis mu- nere perfunctus, quieuit in domino. sepultus in ea ipsa ecclesia, in qua dignus constitutus fuerat minister. Romæ, sancte Dafrosæ, quæ Fabiani martyris vxor, post mariti interfectionem, in exilium mis- sa, Decii Cæsaris iussu tandem capite plectitur. Romæ item, sanctorum martyrum, Prisci presbyteri, Priscilliani Clerici, ac Benedictæ religiosissimæ foeminæ. quibus, Iuliano Imperatore, teterrimo Chri- stiani nominis hoste, caput abscissum est ob Iesu Christi fidem. Bo- noniæ

IANUARIUS.

nonia, sanctorum, Hermetis, Aggei, & Caii, martyrum. Romæ, sancti Ferrutii martyris. In Græcia, sanctorum martyrum, Theopempti, & Theonæ. Commota enim a Diocletiano contra Christianos persecutione, Theopemptus ob fidem comprehensus, in furnum coniiicitur, vnde diuina cœlestique ope liberatus, epoto veneno, quod sibi ille per Theonam magnum dari iusserat, incolumnis etiam euasit, cuius rei admirabilitate obstupefactus Theonas, Christi domini religionem amplexus, cum in ea constans persisteret, Imperatoris irati iussu in altam foueam demissus, congesto aggere obruitur: Theopemptus autem capite mulctatur. In Africa, sanctorum, Aquilini, Gemini, Eugenii, Martiani, Quinti, Theodoti, & Tryphonis: qui in persecutione Vandalica, nobili martyrio coronati sunt. In Græcia, commemoratio sanctorum septuaginta duorum discipulorum domini. Apud Lingonas, sancti Gregorii Episcopi: cuius multa sancte, & admirabiliter gesta extant. Romæ sancti Agontii, Custodis Ecclesiæ beati Petri Apostoli. In Syria, sancti Petri, Damasceni Episcopi, qui, Constantino Quinto Imperatore, ab Sarracenis excruciat, martyrii palmam accepit. Rhemis in Gallia, sancti Rigoberti Episcopi & confessoris. qui uirtutibus ornatus, ad perfectionis summam progressus, ubi Episcopatum accepit, ita in eo se gessit, ut bonis Petri Apostoli vultum, malis Pauli in spiritu seueritatem præ se ferret. is vir Dei cum in Rhemeni ecclesia pie ac salutariter multa instituisset, demum, confecto uitæ huius curriculo, meritorum gloriâ cumulatus, ad præmium abiit in cœlum. Gandau in Belgis sanctæ Pharaildis virginis: quæ illustri genere nata, ab ineunte ætate religiosæ uitæ moribus a beata Gertruda diligenter instructa, pietatem egregie coluit. nuptui autem data a parentibus præpotenti spiritus sancti gratia, virginitatem plane integram seruauit. annum uero agens circiter nonagesimum, virgo migravit ad dominum. Biturigis, sanctæ Faustæ virginis. Tuderti, sancti Rogerii Confessoris: cuius natalis dies eo loco colitur, Gregorii noni, Pontificis concessu. Alibi, aliorum sanctorum &c.

ut supra

Nonis

10 11 12 13 14 15 16 17 18 19 20 21 22 23 24 25 26 27 28
 A B C D E F G H I K L M N O P Q R S T

Vigilia Epiphaniæ domini, Romæ, sancti Thelesphori Papæ. 5
 Hic ab sancto Petro Apostolo nonus Pontifex, cathedram
 Romanam tenuit annos undecim, menses tres, dies vnum
 & viginti: constituit, vt ieiunium ante pascha per hebdomadas
 septem seruaretur: in Natali die Iesu Christi domini tres Missæ
 à singulis sacerdotibus celebrarentur: hymnus Angelicus,
 nempe Gloria in excelsis, in Missæ sacrificio caneretur. Mar-
 tyrium, Antonino Imperatore, subiens, sepelitur in vaticano
 apud sancti Petri corpus. Antiochiæ, sancti Simonis Stylitæ,
 monachi: qui in columnam cauam annis quadraginta inclu-
 sus, in hebdomada cibum semel capiens, pane, herbarum-
 que radicibus, & aquæ potu victitabat. qua admirabili absti-
 nentia, & sanctitate uir, multis etiam miraculis clarus migra-
 uit ad dominum. Bergomi, sancti Domnionis martyris: qui, Ma-
 ximino Imperatore, pro Christi fide cruciatibus affectus, de-
 mum constantissime palmam martyrii tulit. Brixia, sancti Ru-
 ficipiani Episcopi. is beato Honorio, eiusdem vrbs Episcopo,
 cum successerit, pietatis Christianæ officiis populum Brixiensem
 religione instruxit: omnique Episcopali virtute, & sanctitate flo-
 rentissimus, quieuit in domino. Romæ, beatæ Aemilianæ virgi-
 nis. hæc sancti Gregorii Pontificis amita fuit: cui, Tarsillæ eius-
 fordri hoc ille testimonium dat; Vno ardore conuersa, sub di-
 stinctione regulæ uiuentes, in domo propria socialem vitam duce-
 bant: & quotidianis incrementis cœperunt in amorem conditoris
 sui crescere; & cum hic essent solo corpore, quotidie ad æterna tran-
 sire. In Anglia, sancti Eduardi Regis. is matrimonio iunctus, per-
 petuò tamen una cum Edgida uxore uirginitatem coluit: cuius ui-
 ta pie sancteq; acta, & rebus diuinitus, ac mirabiliter gestis, cogni-
 tis, Alexander tertius Pontifex maximus, in sanctorum numero, il-
 lum adscripsit. Alibi *vi supra.*

14 25 6 17 28 9 20 1 12 23 4 15 26 7 18 29 10 21 2
 A b c d e f g h i k l m n o p q r s t

6 **E**piphaniam Domini. Quo die magi, stella duce, ad Iesum venerunt: eiq; venerationem, & cultum tribuerunt, muneribus alatis. hoc ipso etiam die à Ioanne idem trigesimo ætatis suæ anno baptizatus est: trigesimo primo vocatus ad nuptias, conuertit aquam in vinum. In finibus Rhemorum, sanctæ Macræ virginis & martyris. hæc Diocletiano Imperatore, Rictionari præsidis iusso, in ignem posita non læditur: post abscissis mammillis, & tetri carceris squallore afflicta, in testis acutissimis, ac prunis volutata, precando abiit ad Dominum. Redonis in Britannia, sancti Melanii Episcopi, qui, Clodouæo rege, multis virtutibus, & pietate insignis, cœlo intentus, migravit e sæculo. Altisfodori, translatio sancti Germani Episcopi, admirandæ fidei, doctrinæ, & sanctitatis viri.

G.

Septimo idus Ianuarij. Luna.

15 26 7 18 29 10 21 2 13 24 5 16 27 8 19 30 11 22 3
 A b c d e f g h i k l m n o p q r s t

7 **R**elatio pueri, Iesu Christi Domini, ex Aegypto. Nicomediæ sancti Luciani presbyteri & martyris: qui doctrinæ, & eloquentiæ laude clarus, ob Christi confessionem multa, Maximo Imperatore, perpeffus, martyrio demum coronatur: sepultus Helenopoli Bithyniæ. Hoc ipso die, Antiochiæ, sancti Cleri Diaconi, & martyris. Septies enim ob Christi fidem tortus, & vinculis diu excruciat, securi demum percussus, martyrii palmam accepit. Heracleæ, sanctorum, Felicis, & Ianuarii, martyrum. In Africa, sanctorum, Timothei, & Luciani, martyrum. Nicomediæ, sancti Isidori Episcopi, & martyris. Eodem die, sancti Iuliani. Papiæ, sancti Crispini Episcopi, & confessoris: Veronæ, sancti Senatoris Episcopi, & confessoris. Hoc item die, sancti Canuti, Ducis slauicæ, martyris: qui,

qui, Alexandro Tertio pontifice, relatus est in sanctorum numerum. In Solemniaco monasterio, sancti Stilonis monachi, & confessoris. Tremonia in diocesi Agrippinensi, translatio sancti Reinoldi martyris. qui nobili ortus genere, Coloniae beati Pantaleonis monachus factus, vitae sanctitate, & miraculorum multitudine clarus, a nefariis hominibus occisus, in lacum proiectus est: vnde post, Dei admonitu eductus, Tremoniensibus datus est. Brixiae, Inuentio sanctorum martyrum, Beniamini, & Maximi, qui una cum Faustino, & Iouita, pro Christo domino martyrium subierunt.

Sexto idus Ianuarij.

Luna.

A

xvi.

16 17 18 19 30 11 22 3 14 25 6 17 28 9 20 1 12 23 4
 A b c d e f g h i k l m n o p q r s t

Napoli in Campania, sancti Seuerini Episcopi, & confessoris. 8
 qui, beati Victorini martyris frater, multarum virtutum meritis cumulat, quieuit in domino. Belluaci, sanctorum martyrum, Luciani Episcopi, Maximiani presbyteri, ac Iuliani: quos is religionis Christianae praecipis instituit, ac baptizauit. Fuit autem Lucianus, principis Apostolorum Petri discipulus, ab Clemente primo pontifice in Galliam missus, vrbisq; Belluaci factus Episcopus, multa millia hominum ab idolorum cultu ad CHRISTI domini fidem auocauit. vir extitit patientia admirabili, summaq; abstinentia, herbis solum, & aquae potu victitabat: quatragesimae tempore bis cibum in hebdomada capiebat, coelestis panis vi sustentatus. Decreto Domitiani Imperatoris cum praefectus Iulianus persecutionem teterrimam in Christianos exerceret, istius iussu illi duo primum capite plectuntur: deinde hic, in maxima tuenda fidei constantia, excruciat, vehementer, eadem capitis poena afficitur. In Graecia, beatorum martyrum, Theophili diaconi, & Helladii. Hi, in Libyanati, Christianae fidei cultores, idolorum cultum cum passim exagitarent, proconsulis iussu virgis acerbe cesi, tum vngulis ferreis excarnificati, post in lumbis semiustulati, deinde testularum aculeis confossi, nihil vnquam de constantia sua remiserunt. Itaque demum

B horribi-

I A N U A R I V S.

horribilem in modū raptatū, con fractis totius corporis ossibus, ani mas Deo reddiderunt. Papiæ, sancti Maximi Episcopi, & confesso ris. In Noricis, sancti Seuerini Abbatis, qui & spiritu prophetiæ, & vitæ disciplina singulari, & rebus multis, mirabiliter gestis, clarus abiit ad dominum. Eius corpus, Gelasii pontificis auctoritate, ab Victore Episcopo, ad Lucullanum oppidum, quod est prope Neapo lim, translatum est. Eodem die, sancti Eugeniani martyris. In Ger mania, sancti Erharti. is à puero litteris deditus, in doctrina admi rabiliter progressus, vitæ etiam innocentia præluxit. Euangelii propa gandi studio flagrans, in Germaniam prouinciam venit: vbi homi nes, qui Rheni ripam incolunt, ad CHRISTI fidem perduxit. de inde in Baueriam profectus, & prædicatione, & virtutum exemplo, Christianam etiam religionem disseminauit. quibus meritis, & alia rum admirandarū rerum laude cumulatus, obdormiuit in domino. Augustoduni, sancti Egemonii, Episcopi, & confessoris. Bruxellis, sanctæ Gudulæ virginis. Hæc illustri genere nata, a beata Gertrude in monasterio instituta, ut ætate, sic Christianis virtutibus progre diens, perpetuo se religiose exercuit in uigiliis, oratione, ieiuniis, & in omni pietatis officio. Eius reliquiæ ibidem asseruantur magna cum ueneratione. Methis, sancti Patientis Episcopi, & confessoris. Venetiis, beati Laurentii Iustiniani.

B. ♡

Quinto idus Ianuarij.

Luna.

17 28 9 20 1 12 23 4 15 26 7 18 19 10 21 2 13 24 5
A b c d e f g h i k l m n o p q r s t

9 **A**Ntiocia, sanctorū martyru, Iuliani, & Basilissæ virginis, eius coniugis. Hic & si patris impulsu Basilissam in matrimoniū du xit, se tamen unā cū ea in virginalis vitæ ratione cōtinuit per petuo. patre mortuo, hæreditatem, quam amplam satis, & luculen tam habuit, pauperibus distribuit, duobus a se monasteriis exedifi catis. quorum unius curationi ipse præfuit, in altero Basilissæ multa rum uirginum curam suscepit. Diocletiano autem, & Maximiano Imperatoribus, Christianos insectantibus, hæc a domino præcata, ut

ne uirgines,

ne virgines, sibi in disciplinam traditæ, in periculis, quæ maxima tū in Syria Christianis hominibus impendebāt, virginalē pudicitiam amitterent; id impetrauit. siquidem certo eo temporis spatio, quod sibi precanti diuinitus significatum erat, omnes in sancta confessione migrarunt ad cœlos, nec multo post Basilissa. Iulianus vero, Martiani, qui Syriæ præerat, iussu, multis tormentis cruciatus, cum ea constanti animo ferret, perfectum est, volente Deo, vt Celsus puer, præsidis filius, ad eum confugiens, Christū Iesum confiteretur. sicq; alii plerique fidē amplexi, huius exēplo ducti, martyrium vnā cum eo subierunt. In Mauritania Cæsariensi, sanctæ Martiane virginis, & martyris: q̄ Diocletiano Imperatore, bestiis exposita, demū a Leopardodilacerata, in summa fidei cōstātia ad martirii & virginitatis præmiū abiit in cælū. In Smyrna, sanctorū martyrū, Vitalis Episcopi, Reuocati, & Fortunati, Diaconorū. In Africa sanctorū martyrū, Epitheti, & Saturnii. In Africa itē, sancti Egilfredi Abbatis. Ancone, sancti Marcellini Episcopi: cuius diuina virtute ab incēdio ea vrbs admirabiliter liberata est. In Anglia, sancti Adriani Abbatis & cōfessoris. Cantuarię item, sancti Bertunaldi Episcopi, & confessoris. Diuioni, sanctæ Paschasie virginis. Vintoniæ, sancti Henrici Episcopi; qui in Ecclesiis ornandis, & in pauperibus subleuandis, pie, ac liberaliter admodum se gessit.

Quartoidus Ianuarij.

Luna.

C. ii.

18	29	10	21	2	13	24	5	16	27	8	19	30	11	22	3	14	25	6
A	b	c	d	e	f	g	h	i	k	l	m	n	o	p	q	r	s	t

IN Thebaide, sancti Pauli primi heremite. Hic, parētibus mortuis, quo liberius in Dei cultu versaret, in solitudinis speculā se abdidit. quo in loco palmæ & foliis se vestiēs, & fructibus vescens, cētū, & tredecim annis vixit. Cuius animam beatus Antonius vidit inter Angelorum choros, inter Prophetarū, & Apostolorū cētus in cælū ascendere. In Cypro, sancti Nicanoris: qui vnus e septē illis primis diaconis, cum Euangelium in ea insula prædicasset, ob IESV CHRIS-
TI fidē multis cruciamētis varie affectus, Vespasiano Imperatore, coronam martyrii accepit. Romæ, sancti Agathonis Papæ. hic patre

IANVARIVS.

Romano natus, ex monacho factus pontifex, multæ m̄suetudinis, ac tantæ sanctitatis, vt leprosum, obuiam sibi factum, osculo a morbo liberarit. contra Monothelitas hæreticos Constantinopoli concilium habuit: sedit annos duos, menses tres: sepelitur ad sanctum Petrum. Mediolani sancti Ioannis Boni Episcopi, & confessoris. Constantinopoli, sancti Martiani presbyteri: qui vigiliis, & orationi deditus, in CHRISTI pauperes liberalis admodum, ita, vt, quæ sola tunica indutus erat, eam dederit egenti: multis miraculis clarus, obdormiuit in domino. Bituricis, sancti Gulielmi Episcopi: quem vitæ sanctitate, & miraculorum gloria insignem, Honorius Tertius, Pontifex, sanctorum numero adscripsit. In Græcia sancti Theodosii Cænobiarchæ. Is incredibili abstinentia fuit, vt per triginta ipsos annos panem non gustarit, palmæ fructu, & paucis filiquis victitans; sicq; corpori cum cibum detraheret, animam diu noctuq; panit assidua cœlestium rerum contemplatione. In Ambianis, translatio sancti Firmini Episcopi, & confessoris.

D
xiii.

Tertio idus Ianuarij.

Luna.

19 30 11 22 3 14 25 6 17 28 9 20 1 12 23 4 15 26 7
A b c d e f g h i k l m n o p q r s t

Sancti Iginii Papæ, & martyris. Hic clerum disposuit, gradus distribuit, instituitq; vt vir vnus, aut sola sc̄emina infantem de sacri baptismi fonte susciperet, atque idem in confirmatione sacramento seruaretur. vetuit, vt ne templorum dedicationes sine Misse sacro celebrarētur; neue, quæ diruta essent, templorum materia, tignaq; ad vsus prophanos conuerterentur, martyrium, Antonino Imperatore, subiit. sedit annos quattuor, mensibus tribus. In Africa, sancti Saluii: cuius die natali beatus Augustinus Carthagine sermo nē habuit ad populum. Alexandriae sanctorum cōfessorum, Petri, Seueri, & Leucii: quorū res fortiter, diuinitusq; gestæ habentur. S. Pauli item Simplicis, monachi, qui beati Anconii discipulus extitit. Ambiani, sancti Saluii Episcopi, & martyris. Hic, Chilperico rege, multis virtutibus floruit, ac Dei gratia res plurimas mirabiliter gessit,

cacis

cæcis oculorum, surdis aurium, sensum, claudis incessum restituit. sic omni sanctitatis laude clarus a Vinegardo, Affano homine, securi percussus est. Papiæ, sanctæ Honoratæ virginis. Vigornia in Anglia, sancti Eguini Episcopi, & confessoris. Eodem die sancti Anastasii monachi, & confessoris.

Pridie idus Ianuarij.

Luna.

E xi.

20 1 12 23 4 15 26 7 18 29 10 21 2 13 24 5 16 27 8
A b c d e f g h i k l m n o p q r s t

IN Mauritania, sancti Arcadii martyris: qui variis iisq; novis suppliciis excruciatu, demum in suo sanguine volutatus, certaminis, quod constantissime pro CHRISTO domino subierat, palmam accepit. In Archadia, sancti Satyri martyris: is in conspectu idoli cuiusdam cum esset, in illud exsufflauit, signo se crucis muniens. quo facto idolum corruit; idq; propterea caput ei præcisum est. Hoc ipso die, sancti Agathonis martyris. qui, Decio Imperatore; varie primo cruciatus, tum demum, securi percussus, CHRISTI domini fidei præclarum testimonium dedit. Eodem præterea die, sanctorum martyrum Tigrii presbyteri, Eutropii lectoris, & Olimpiæ matronæ. Hierosolymis, sancti Ioannis Patriarchæ, cuius res diuinitus gestæ leguntur. Rauenne, sancti Ioannis Episcopi, & confessoris. Veronæ, sancti Probi Episcopi, & confessoris. Virimudæ, in Anglia, sancti Benedicti, primi Abbatis, & confessoris. Brixia, Inuentio sanctorum martyrum, Nainii, Iacobini, & Anselmi: qui vna cū beatis martyribus, Iouita, & Faustino, pro fide fortiter pugnâdo coronati sunt.

Idibus Ianuarij.

Luna.

F

21 2 13 24 5 16 27 8 19 30 11 22 3 14 15 6 17 28 9
A b c d e f g h i k l m n o p q r s t

Octaua Epiphaniæ. Romæ, via lauicana, sanctorum Quatraginta martyrum: qui, Galieno Imperatore, ob Christianæ fidei confessionem, securi percussi sunt. In Africa, sanctorum martyrum,

martyrum, Ingenui, & Cyriaci. In Græcia, sanctorum, Hermili, & Stratonici, martyrum. Parma, sancti Hilarii Episcopi, & confessoris. Rhemis, sancti Remigii Episcopi, cuius celebritas calendis Octobris, quo die eius corpus translatum est, ab Ecclesia agitur. Treueris, sancti Agritii Episcopi. Hic Siluestri Pontificis iussu, Helena, Constantini Cæsaris matre, postulante, ad Treuiros ex Antiochia profectus, eam ciuitatem, quæ sanctorum, Eucharii, Valerii, & Martiani prædicationibus, CHRISTI IESU fidem olim amplexa, ad idolorum cultum redierat, ab illa impietate reuocauit. Eodem die, Ambiani, translatio sancti Firmini martyris. qua in translatione multa miracula diuinitus facta sunt. calor enim æstus, adulta tum heme, maximus factus est: arbores, a frondibus nudæ, frondescere ceperunt: quibus frondibus ægri sanabantur. Viennæ, sancti Veri Episcopi, qui Euantio, viro sanctissimo, in illius vrbs episcopatum successit. In Verdiaco monte, translatio sancti Viuentii confessoris. is e Samaritanis parentibus, Christiani nominis hostibus, natus, beati Georgii, Antiochiæ Euangelium prædicantis, opera ad fidem conuersus, ac deinde sacerdos factus, Angeli monitu Antiochiã venit. qua in vrbe Deciani Præsidis filiam a dæmonio liberauit: multos baptizauit. Romam denique proficiscens, in itinere multa miracula edidit. Natus annos centum & viginti, migravit ad dominum.

G. 2.

Decimo nono calendæ Februarij.

Luna.

22	3	14	25	6	17	28	9	20	1	12	23	4	15	26	7	18	29	10
A	b	c	d	e	f	g	h	i	k	l	m	n	o	p	q	r	s	t

14 **P**ictauis in Gallia, sancti Hilarii Episcopi, & cōfessoris. Hic Episcopus factus, pastorale munus summa cū laude gessit. Catholicæ fidei defensor, multis Arianorū petitis insidiis, tādē dolo Saturnini, Arelatensis Episcopi, in Phrygiã relegatur. inde quattuor post annos ad Ecclesiã suã reuocatus, ita egit, vt pastorali suo studio Gallia vniuersa, repudiata Ariana impietate, catholicã fidem tueretur, aliis præterea rebus mirabiliter, diuineq; gestis, & doctrina clarus, migravit ad dominũ, Valente, & Valẽtiano, Imperatoribus. Nolæ, in Campania,

Campania, sancti Felicis presbyteri, & cōfessoris. Hic ī falsos Deos vehementius inuectus, in carcerē ab infidelibus detruditur, & astrictus vinculis, ab Angelo nocte soluitur, ac liberatur. Romæ, sancti Felicis item, psbyteri, & martyris. qui quoniā Mercurii, & Dianæ simulacra, insufflando euerit; equuleo cruciatus, atque interrogatus, quibus maleficiis id fecerit, rēdit; non diaboli maleficiis, sed IESU CHRISTI beneficiis illud ab se factum esse. sicq; in Christiana fide cōstans, Diocletiano Imperatore, securi percussus, martyrium subiit. Spoleti, sancti Pontiani martyris, qui, Antonio Augusto, feruenti plūbo perfusus, aliisq; cruciamētis a iudice Fabiano varie affectus, demum abscisso capite, martyrii coronam accepit. In Africa, sanctorum martyrū, Euphrasii Episcopi, Cyriaci Diaconi, & sociorum: q; a Vandalis pro catholica fidei defensione teterrimis excruciatī suppliciis, nobili martyrio coronati sunt. Mediolani, sancti Datii ep̄i, & cōfessoris. Is cū Ecclesiā Mediolanēsem duos, & viginti annos religiose administrasset, Episcopatum virtutum, & miraculorum laude clarus, quieuit in domino. Viennæ, sancti Cadeoldi Episcopi. In Græcia, sanctorum monachorum, qui in Sina monte, & Rhaiti regione habitantes, orationibus assidue dediti, in omniq; pietate se exercentes, ob religionem interfecti sunt.

Decimo octavo Calendas Februarij. Luna.

A

23 4 15 26 7 18 29 10 21 2 13 24 5 16 27 8 19 30 11
 A b c d e f g h i k l m n o p q r s t

Hierosolymis, sanctorum Prophetarū, Micheæ & Abacuc: quorum corpora, Arcadio Augusto; sunt diuino admonitu inuenta. Nolæ, sancti Maximi episcopi & confessoris. In Thebaide, sancti Macarii Abbatis. hic beati Antonii discipulus, religiosæ disciplinæ, sanctimonix, & miraculorum laude floruit. Eodem die, sancti Isidori item abbatis, fide, ac vita, tū rebus pie, diuineq; actis, præclarioris cura mille, & amplius, monachi regebantur. Aruernis, sancti Bonitii Episcopi, & confessoris, cuius vita, virtutum splendore insignis, beatorum patrum, Adelphi, & Eucherii iussu ab Aegypto, & Gallo, litterarū monumentis cōsignata est. In Andegauenſiū finibus

finibus, sancti Mauri abbatis, & cōfessoris. qui ab ineunte ætate, sancti Benedicti disciplinis institutus, tã longe in religione viuendi via processit, vt cæteris sanctitate anteeret. fuit is in ieiunio, & oratione frequens; silentio assidue vsus, in legendo tempus reliquum, quod à diuinis laudibus monachalisq; vitæ actionibus vacuum sibi dabatur, consumpsit. In Galliam missus, Andegauum venit, cuius in vrbis finibus, quattuor Ecclesias exedificauit, & celebre item monasteriũ; cui quadraginta annis præfuit. omni igitur religionis virtute, & miraculorum magnitudine clarus, quæ multa vsque ab adolescentia edidit, tãdem in domino quieuit. Eius corpus ad vrbem Parisios solemniter translatum, pie colitur. Reate, sancti Probi Episcopi, & confessoris: cuius res plurimas pie, admirabiliterq; gestas Gregorius Magnus commemorat. In Burgundia, sancti Ioannis Caliniti, & confessoris: cuius sacrum corpus, multis clarum miraculis Constantinopoli quiescit: caput Chrysofoli religiose asseruatur.

Decimo septimo Calendas Februarij. Luna.

xviii.

24 5 16 27 8 19 30 11 22 3 14 25 6 17 28 9 20 1 12
A b c d e f g h i k l m n o p q r s t

16 **R**omæ, via salaria, sancti Marcelli Papæ, & Martyris. Is in maxima Ecclesiæ perturbatione ad Dei, diuinarumq; rerum cultũ attentus, rem Christianam, quantum in se fuit, valde adiuuuit. De primatu Ecclesiæ Romanæ ad Episcopos Antiochenæ prouinciæ epistolam scripsit: in qua illud præter ostendit, nullum conciliũ iure celebrari, nisi ex auctoritate Põtificis Romani. In vrbe viginti quinque titulos constituit, quasi diœceses quasdam, tum ad martyrum sepulturam, tum ad baptismum, & pœnitentiam eorum accommodatas. qui, repudiatis falsis diis, CHRISTO domino adhærerent. Beati Marcellini Pontificis, & martyris corpus in Vaticano prope sancti Petri corpus sepeliuit. Eius hortatu matronæ duæ Romanæ, Priscilla cæmiteriũ suis sumptibus extruendum via salaria curauit: Lucina Ecclesiam fecit heredem suorum bonorum. quamobrem Maxentii tyranni iussu, is fustibus primum cæsus, deinde in catapulũ inclusus

clusus est. quo in loco Dei gregem, sibi commissum, cum aliter non
 liceret, litteris ad eum datis, omni catholica disciplina refertis, gu-
 bernauit. Inde vero nouem post mēlibus noctu à clericis liberatus,
 in Lucinæ ædibus, ecclesiam consecrauit: vbi cum ad orandum Chri-
 stiani conuenirent, tum ipse Missæ sacrum faciebat, & prædicabat.
 Qua re animaduersa tyrannus, catabuli bestias eò traduci, & a Pon-
 tifice curari imperat. itaque ibi intollerabili odoris fœditate bea-
 tus Marcellus confectus, tandem quieuit in domino. Alexãdriæ, san-
 cti Pansophi martyris. Hic e Nilo, Alexandria proconsule, natus, li-
 beralibus disciplinis institutus, mortuo patre, primum omne patri-
 monium pauperibus in eleemosynam contulit: tum in solitudinem
 secessit, vbi septem, & viginti annis orando vitam egit. Post, Christia-
 næ religionis apud Augustalium præfectum, Decio fidei hoste, accu-
 satus, tamdiu verberibus cæsus est, quoad spiritum Deo reddidit.
 Nolæ, sancti Felicis Episcopi, & confessoris. Hic cum Tubabocensi
 Ecclesiæ præfesset, Anolino præsidi sistitur: à quo nomē rogatus, hoc
 plane tacuit; at se Christianum hominem esse libera voce professus
 est. quamobrem in carcerem coniectus, inde duodecim post diebus
 nauigio imponitur: in quo dies quattuor ieiunus, ac pene inedia con-
 fectus, Nolam vinculis astrictus venit: vbi à iudice capitis dānatus,
 martyrio coronatur, Diocletiano, & Maximiano Imperatoribus. Ri-
 nocororæ, sancti Melantii Episcopi: qui pro fide catholica in exilii
 periculo, multipliciq; certamine, pie fortiterq; versatus, episcopa-
 lium virtutum, & humilitatis in primis laudē insignis, quieuit in do-
 mino. Opitergii, sancti Titiani Episcopi, & confessoris. Hic Hera-
 cleæ, genere nobili natus, vrbis Opitergii factus episcopus, non de-
 stitit, & verbo, & exemplo vitæ populum, sibi in curam traditum, pa-
 scere. quo munere diu religiose perfunctus, ad meritorem præmium
 abiit in cœlum. Romæ item, sanctæ Priscillæ: cuius vitam Honora-
 tus, Arelatensis Episcopus, litteris mādauit. Arelati, sancti Honora-
 ti Episcopi, & confessoris, pietatis laudē, miraculis, & doctrina illu-
 stris. Ambiani, sancti item Honorati Episcopi. Hic Angeli admoni-
 tu, sanctorum Fusciani, Victorici, & Getiani, corpora inuenit. eaque
 loco decenti, illius rei causa exædificato, recondidit. Regii, sancti
 Fausti Episcopi: cuius & libri pie, docteq; scripti, & res mirabiliter

gesta leguntur. Fundis in Samnio, sancti etiã Honorati abbatis: qui, vt narrat Gregorius Magnus, a pueritia coelestis patriæ amore inflammatus; cum in omnibus rebus, tum in sermone inani, otiosoq; abstinentia incredibili vsus est. Monasterium ædificauit; in quo ducentorum ferè monachorum curam sustinuit, magno sanctæ disciplinæ, ac vitæ exemplo: quo maxime prælucescens quieuit in domino. In Parona monasterio, sanctorum, Fursei confessoris, Floriani, & Vltani, fratrum eius: quorum sancte gesta apud Bedam sant. Eodem die, apud Marrochium, sanctorum martyrum, Bernardi, Petri, Accursii, Adiuti, & Othonis. li, Franciscani ordinis homines, Dei amore accensi, cum ad prouincias infidelium, propagandi euangelij causa, venissent; a Marrochii regulo, in constanti CHRISTI confessione, suppliciis affecti, in sanctorum numerum à Xysto Quarto, Pontifice Maximo, relati sunt. Illorum reliquias Petrus, Hispaniarum Insans, e Marrochio asportauit: & in ecclesia sanctæ Crucis, quæ est Colimbriæ, cum veneratione collocauit. Brixia, Inuentio sanctorum martyrum, Marini presbyteri, & Stephani diaconi: qui ambo vna cum beatis martyribus, Faustino & Louita, variis tormentis cruciati, præclarum Christianæ fidei testimonium reddiderunt.

Cvii.

Decimo sexto Calendas Februarij. Luna.

25 6 17 28 9 20 1 12 13 4 15 26 7 18 29 10 21 2 13
A b c d e f g h i k l m n o p q r s t

17 **S**ancti Antonii abbatis. Cuius religio, pietas, aliæque virtutes ita in omni vitæ eluxerunt, vt Latini, Græciq; patres de eo multa conscripserint: quibus auditis beatus Augustinus, iamdiu hæsitans, valde confirmatus est ad pie agendum. Antonius ab adolescentia, vendito patrimonio, pretium pauperibus distribuit. sicque a rei familiaris cura liber, cælestis vitæ disciplinam in terris colere capit. continentia enim, vigilantia, patientia, mansuetudine, & labore cæteris præstitit. Ieiunium ita coluit, vt sæpe bido, atque amplius ieiunus esset. eius cibus erat panis, & sal; potus aqua; prandii tempus solis occasus: si somnus obreperet, stando

paulu-

paululum dormiebat, & humi plerunque cubabat. In oratione & contemplatione vsque adeo assiduus erat, vt & sapissime totam noctem consumeret; & hoc solo vel meditando, vel audiendi studio, sacrarum litterarum cognitionem tenuisse dicatur. His virtutibus ille instructus, in vastissima solitudine, vbi vixit, varias Satanæ insidias, acerrimosque impetus superauit: cuius fama sanctitatis peruulgata, eius orationibus se liberosque suos, Constantinus Magnus per litteras commendauit. Quinto autem, & centesimo ætatis suæ anno, beatus hic vir, miraculorum magnitudine clarus, abiit ad dominum. Apud Lingonas, sanctorum tergeminarum fratrum, Speusippi, Eleusippi, & Meleusippi Martyrum: qui, viginti quinque annos nati, cum Leonilla auia, & matre Iouilla, martyrium, Aureliano Imperatore, & Quadrato præfide, subierunt. Gemini, verso deorsum capite, in arbore pedibus suspensi; inde præcipites in ignem deiecti, flammæ vi non læsi, in summis cruciatibus precando, migrarunt in cœlum. quorum martyrio perspecto Iouilla mater, constanti animo *CHRISTVM* confessâ, acerbis cruciata tormentis, vnâ cum Leonilla, capite vtrique abscisso, martyrii coronam adipiscitur. Turbon autem, qui horum martyrum acta litteris mandauit, non multo post tempore ipse quoque martyr effectus est: Neon vero, cognitis perspectisque eorum miraculis, fidem *IESV CHRISTI* amplexus, in hac confessione coronatur. Romæ, inuentio sanctorum martyrum, Diodori presbyteri, Mariani Diaconi, & sociorum: qui Stephano Primo Pontifice, & martyre, cum gloriæ coronam, in Numeriani Cæsaris persecutione, acceperint: eorum corpora, Stephano sexto, itidem Romano Pontifice, inuêta sunt angeli admonitu, indiētisque litaniis, & religioso apparatu, ac summa cleri, populiq; frequentia, in Basilicam Lateranensem, variasq; vrbis ecclesias ab eodem Pontifice translata, decenti loco reconduntur. Bituricis, sancti Sulpitii Pii, Episcopi. is a puero sacris litteris eruditus, & in disciplinæ institutis exercitatus, etiam laicus homo cū esset, omni virtute præluxit: deinde monachus factus, indeq; abbas, postremo Episcopus creatus, vitæ religione, & sanctitate, miraculisq; clarus, quieuit in domino. Romæ, sancti et Antonii Monachi, & confessoris: de quo Gregorius Magnus scribit. Sancti itē Me-

ruli monachi, cuius ille ipse meminit. Eodem die, sancti Genulphi
 primi Episcopi Carthucensis, & confessoris.

D *Decimo quinto Calendas Februarij. Luna.*

26 7 18 29 10 21 2 13 24 5 16 27 8 19 30 11 22 3 14
 A b c d e f g h i k l m n o p q r s t

18 **R**omæ, *Cathedra sancti Petri Apostoli.* Is decimo post CHRIS-
 TI domini mortem anno, qui annus in secundi anni finem in
 cidit, quo Claudius Cæsar imperium obtinuit, annua prædicatione
 perfunctus, quam, e uinculis liberatus, peregrinando suscepit, in vr-
 bem Romam primum ingressus est hoc ipso die: qui propterea pri-
 sco ecclesiæ instituto, & consuetudine ad Romanæ beati Petri cathe-
 dre celebritatem institutus, post aliquando intermissus, in vsum &
 veterem ritum, Pauli Quarti, Pötificis Maximi, decreto pie reuoca-
 tus est. Antiochiæ, translatio sancti Ignatii Episcopi, & martyris: cu-
 ius corpus Roma eò asportatum est proximo post martyrium anno.
 Eius dies natalis Calendis Februarii celebratur. Romæ, sanctæ Pri-
 scæ virginis, & martyris. Hæc, patre consulari nata, tertium & deci-
 mum annum agens, Christianæ fidei accusata, Claudii Imperatoris
 iussu ad idolorum cultum impellitur, cui obfirmato animo restitit.
 quamobrem colaphis cæsa, in carcerem cõiicitur. postridie inde edu-
 cta, cum in eadem fidei constantia permaneret, verberibus excrucia-
 ta, & feruenti adipe fœde delibuta, rursus in custodiam detruditur.
 triduo post leoni exposita, nullo modo læsa, in ergastulum includi-
 tur: vbi inedia tridui spatio pene confecta, in equuleo suspenditur:
 tum vnguibus ferreis excarnificata, post in ignem posita, inde admi-
 rabiliter Dei ope seruatur incolumis. Postremo extra urbem, præ-
 ciso capite, virginitatis palmam martyrii corona cumulauit. Athe-
 nis, sancti Publii Episcopi, & martyris. Hic Melitæ insulæ princeps,
 beatum Paulum, Apostolum, qui ad urbem nauigabat, hospitio rece-
 pit: in Dionysiiq; Areopagite locum illius vrbs episcopatusi succes-
 sit: vbi doctrina, & virtutibus clarus, ob CHRISTVM dominum mar-
 tyrio coronatur. In Ponto sanctorum martyru, Mosei, & Ammonii:
 qui

qui milites cum essent, primum ad metalla damnati, post inde ere-
 pti, variisq; cruciamentis affecti, igni denique, Decio Imperatore,
 comburuntur ob CHRISTI fidem. Cæsareæ in Palestina, sancto-
 rum Prifchi, Malchi, & Alexâdri, Martyrum. Ii, Valeriano Augusto,
 æternæ vitæ studio accensi, cœlesti, & diuino martyrio summa con-
 stantiæ laude, decorantur. In vrbe Apollonia, sanctorum martyrum,
 Tyrfi, Seleuci, Caleniti, & Liberatæ, item virginis. Lugduni, sancti
 Peusepii & sociorum martyrum: qui, Aureliano Cæsare, coronan-
 tur. Turone, sancti Volusiani Episcopi, & martyris. Eodem loco, san-
 cti Leopardi confessoris: de cuius vita, religiose acta, librum Grego-
 rius Turonensis conscripsit. In Britannia, sancti Deicolæ abbatis, &
 confessoris: qui beati Columbani discipulus extitit. Nouocomi, san-
 ctarum virginum, Liberatæ, & Faustinae. Venetiis, translatio sanctæ
 Lucia virginis.

Decimo quarto Calendas Februarij. Luna. E. xv.

27	8	19	30	11	22	3	14	25	6	17	28	9	20	1	12	23	4	15
A	b	c	d	e	f	g	h	i	k	l	m	n	o	p	q	r	s	t

ROmæ, via Cornelia, sanctorum martyrum, Marii, & Marthæ, 19
 coniugum, Audifacis, & Abacuc filiorum. Illi in Persia nobili
 loco nati, vnâ cum duobus iis liberis, Claudio Imperatore, Romam
 profecti, martyrum corpora sepeliebant: Christianos, vel in carcerē
 detrusos, vel verberibus affectos, vel ab omni re familiari nudos,
 opera, suisq; facultatibus sustentabant. hac eorum pietate cognita,
 Claudius iratus negotium dat Musiano, vrbis præfecto, vt compre-
 hensos illos, quouis tormentorum genere discruciet, nisi repudiato
 Christianæ fidei cultu, diis immolarent. at ii perpetua constantia ro-
 borati, cum nec minis, nec terroribus commouerentur, vt idolorum
 sacra susciperent; primum fustibus debilitati, deinde equuleo torti,
 tum cudentibus laminis semiustulati, & unguibus ferreis excarni-
 ficati sunt. quibus cruciamentis dum afficerentur, vno omnes ore ca-
 nebant gloriam Deo. itaque postremo, abscissis manibus, & ad col-
 lum alligatis, per mediam vrbe ducti, ad tertium & decimum ab
 vrbe lapidem necati sunt. Smyrnæ, sancti Germanici martyris: qui,
 Marco

Marco Antonio, & Lucio Aurelio Imperatoribus, excruciatuſ multis tormentis, demum truculentæ beſtiæ obicitur: cuius morſibus & dentibus confectus, verò pani, hoc eſt CHRISTO IESU, pro cuius fide moriendo, meruit incorporari. Spoleti translatio ſancti Pontiani martyris: de quo ſupra decimo octauo calendæ Februarii. In Africa, ſanctorum martyrum, Pauli, Gerantii, Ianuarii, Saturnini, Suceſſi, Piaæ, Germanæ, Iulii, & Cati. In Gallia, ſanctæ Blandinæ, & ſociorum martyrum, Attali, Maturi, & Pontici: qui cruciatibus varie affecti, Antonino Imperatore, tandem, ſanguine profuſo, præclarum religionis Chriſtianiæ teſtimonium dederunt, vt epiſtola de iis ſcripta extat ad eccleſias Aſiæ. Laude, ſancti Baſſiani, Epilcopi, & confelſoris. Hic Syracuſis natus, Romam a Sergio patre ſtudiorum cauſa miſſus, a Gordiano præſbytero, in cuius diſciplinam ſe tradiderat, baptizatus eſt. quâ ſane re cognita, pater a Chriſtianiâ religione auerſus, cum ab ſuſcepta fide adoleſcentem filium reuocare ſtuderet; diuino quodam admonitu ille Rauennam ſe contulit, vbi in oratione frequens, & vitæ ſanctitate clarus, multa ad IESU CHRISTI laudem mirabiliter geſſit. Inde Laudû venit: cuius vrbiſ factus Epilcopus, cum id munus religioſe adminiſtraret, multa etiam edidit miracula. Mediolanum vocatus ad beatum Ambroſium ægrotantē, clericis diem certum quo ille ex hac vita migraret, præſignificauit: et iuſta pie perſoluit. poſt, ad Eccleſiam Laudenſem reuerſus, & miraculorum multitudine, & vitæ exemplo inſignis, in pace quieuit, annum agens nonageſimum. Carnuti, ſancti Malardi Epilcopi, & confelſoris. Eodem die, in pago Dorcaſſino, ſancti Launomarci confelſoris: cuius res mirabiliter religioſeque geſtæ leguntur. Lugduni, ſancti Niceti Epilcopi, & confelſoris. Vigorinæ in Anglia, ſancti Volſtani Epilcopi, & confelſoris. Vſpali in Suetia, ſancti Henrici Epilcopi, & martyris. Is Angluſ, Vſpalenſis Eccleſiæ Epilcopus factus, vna cum Henrico, Suetiæ rege, viro ſanctiſſimo, in Belgas fidei propagandæ cauſa profectus, eius rei nomine a nefario quodam homine contrucidatus eſt. Brixia, Inuentio ſanctorum martyrum, Peregrini, Siluani, Felicis, & Afræ martyris: de qua nono Calen. Iunii.

Decimo tertio Calendas Februarij. Luna. Fiiii.

28 9 20 1 12 23 4 15 26 7 18 29 10 21 2 13 24 5 16

A b c d e f g h i k l m n o p q r s t

Romæ, sancti Fabiani Papæ, & martyris. Hic, e patre Fabio
 natus, presbyter cum esset, in beatorum martyrum corpori-
 bus humanis pie occupatus, Pontiani pontificis, & martyris, qui, fi-
 dei causa in exilium missus, obiit, corpus, a se Romam delatum, in
 cæmeterio Calixti, & Antherum pontificem, ac martyrem etiam, in
 cuius locum is proxime successit, in via Appia sepeliuit. Pontifex
 autem factus, vrbis regiones diaconis septem distribuit: totidem
 subdiaconos creauit, qui martyrum res gestas, a septem notariis me-
 moriæ litterisque consignatas, colligerent. Epistolam ad Episcopos
 Orientis scripsit de sacro Chrismate: alteram ad Hilarium Episco-
 pum, qua peregrina iudicia vetuit. Ei Origenes, cum Põtifici Roma-
 no fidei rationem reddi oportere sciret, litteras misit, quibus se quo-
 rundam erratorum suorum pœnitere ostendit. At beatus Fabianus,
 multis pro ecclesia Dei pie fortiterq; gestis, cū sedisset annos quat-
 tuordecim, menses vndecim, dies quindecim, Decio Imperatore, rē
 Christianā infense oppugnante, martyrii palmam adeptus, in cæmi-
 terio Calixti, via Appia sepellitur. Romę item, ad Catacūbas, sancti
 Sebastiani martyris: qui e patre Narbonensi, matre Mediolanēsi na-
 tus, cum Mediolani animaduertetur, aut nullum esse, aut tepere cer-
 tamen; Romam profectus, vbi propter fidei studium persecutiones
 acerbæ feruebāt, ibi passus, ibiq; coronatus, quo hospes aduenit, do-
 miciliū immortalitatis perpetuæ collocauit. Christianæ enim fidei
 accusatus, Diocletiani Imperatoris iussu, palis alligatus, sagittis cõ-
 figitur. opinione igitur omnium cum mortuus putaretur: uiuus ta-
 men noctu inuentus est ab Hirene, pia muliere, cuius cura a uulne-
 rum morbo ille paulo post confirmatus, Imperatoris impietatē libe-
 rius accusat. Sicq; iterum comprehensus, tamdiu uirgis ceditur, quo-
 ad animā Deo reddidit. Apud Taurinos, sanctorum martyrum, Solu-
 toris, Aduentoris, & Octauij: de quibus etiā fuit duodecimo Calen-
 Decembris. Cesenæ, sancti Mauri Episcopi, & cõfessoris: cuius uitā,

pie

pie sanctissimeq; actam, & res diuinitus gestas, Petrus Damianus literis ad posteritatem prodidit. Lugduni, sancti Clementis presbyteri, & confessoris.

G

Duodecimo Calendas Februarij.

Luna.

29 10 21 2 13 24 5 16 27 8 19 30 11 22 3 14 25 6 17
A b c d e f g h i k l m n o p q r s t

21 **R**omæ, sanctæ Agnetis virginis: quæ tredecim annos nata, mortem perdidit, & vitam inuenit, quia solum vitæ dilexit auctorem. primo enim CHRISTI IESV amore flagrans, constantissima voluntate, inuictaq; animo, & Symphronii urbis præfecti filio nubere, & Vestæ cultum tribuere recusauit. quamobrem Aspasii Vicarii, cui præfectus illius causam delegarat, iussu in ignem virgo coniecta, non læsa tamen, eo mirabiliter restincto, demum gladio percussa, migrat in cœlum. De cuius nobili martyrio cū sæpe beatus Ambrosius, tum alii patres sermonem habuerunt. Athenis, sancti Publii Episcopi, & martyris. Hic ciuis Romanus, Melitæ insulæ princeps, beati Pauli Apostoli discipulus, diuinarum humanarumq; litterarum scientia præstans, in sancti Dionysii Areopagitæ locum suffectus, Atheniensium Ecclesiæ præfuit: multarumq; virtutum, & rerum, quas diuine gessit, laude clarus, pro CHRISTI gloria martyrium subiit. Tarraconæ in Hispania, sanctorum martyrum, Fructuosi Episcopi, Augurii, & Eulogii diaconorum. Hi primum, Galieno Cæsare, ab Aemyliano præside, in custodia multos dies varie cruciati, demum inde educti, in flammam coniciuntur. sicq; vinculis exutis, quibus astricti erant, manibus expansis Deum precando, martyrii coronam adepti sunt. Hierosolymæ, sancti Publii item Episcopi; qui multos annos cum ecclesiam Hierosolymitanam religiose administrasset, pietatis meritis ornatus, obdormiuit in domino. Eodem die sancti Mennii Episcopi. Is ciuis Romanus, beati Petri, Apostolorum principis, discipulus, Cathalanensis Episcopus ab eo consecratus in Galliam vnâ cum sancto Dionysio Areopagita profectus, octuaginta annis ecclesiam, sibi commissam, administrauit.

quo

quò munere pie sollicitèq; perfunctus, Adriano Imperatore, sanctissime obdormiuit in domino. Trecaffi apud Sennonès, sancti Patrocli martyris. Hic abstinentiæ deditus, semel in die, hora vltima cibum capiebat; egentes patrimonio alebat; omnis Christianæ virtutis, & virginitatis in primis cultor egregius, vitam cælestem in terris imitabatur. In iis sanctissimæ vitæ institutis cum ille verfaretur: tunc excitatâ persecutionis tempestate, Aureliani Imperatoris iussu, tormentis affectus, in summa acerbitate animo mirandum in modum confirmato ad tuendam fidem, demum ad Sequanam fluuium pro CHRISTI IESV gloria securi percussus, martyrii præmium conquitur. Ancyrae in Galatia; sancti Bursyris martyris. Is, Iuliano Imperatore, gentilium cultum, atque impietatem vehementer insectans, pro CHRISTI religione vngulis ferreis dilaceratus, tū multis aliis cruciamentis tortus, constanti animo martyrium subiit. Papiæ, sancti Epiphani Episcopi, & confessoris: qui viduarum, & pupillorum parens, ciuium, atque omnium in summa Italiae perturbatione defensor, clara virtute, magnaq; sanctitate Episcopus, cum vnum & triginta annos Papiensi ecclesiæ præfuisset, miraculorum etiam magnitudine illustris, abiit ad dominum. Eodem die, sancti Meinrardi heremita, & martyris: qui ab adolescentia monachus factus, hæreticæ vitæ studio exardescens, in solitudinem quâdam secessit: vbi in assiduis precibus, ieiunio, abstinencia, aliisque sanctis exercitationibus, sex & viginti annos cum consumpsisset, à latronibus duobus occisus, dum animam agebat, suauissimo odore omnem cellulae locum compleuit. In lectulo autem eius corpus mortuum ab eisdem collocatum cum iacebat: id diuinitus factum est, quòd ad illius caput candela, per se mirabiliter accensa, colluxit. Sicq; vir Dei, factis etiam aliis sanctitatis suæ admirandis significationibus, virtutum meritis cumulatus, migravit ad cæleste præmium.

Vndecimo Calendas Februarij. Luna.

A.

xii.

30 11 22 3 14 25 6 17 28 9 20 1 12 23 4 15 26 7 18

A b c d e f g h i k l m n o p q r s t

Valentia in Hispania, sancti Vincetii Diaconi, & martyris. Hic prædicationis Euangelicæ accusatus, Valentiam ad Dacianum præsidem,

D præsidem,

IANUARIUS.

præsidentem, Diocletiano Imperatore, vinculus ducitur. vbi verberibus caesus, equuleo tortus, testarum aculeis cruciatus, prunis succesis, in craticula impositus, ferreis vngulis dilaceratur, candentibusq; laminis exustus, constanter superata ignis, ferri, & tortorum immanitate, IESV CHRISTI fide, & spe communitus, ad martyrii praemium abiit in caelum. Ephesi, sancti Timothei, beati Pauli Apostoli discipuli. Is, Lystris in Licaonia natus, a pueritia in sacris litteris, & pietate eruditus, quo tempore Apostolus Paulus eo venit, religionem Christianam coluit; vt pote cum matrem Eunicem haberet, mulierem, IESV CHRISTI fidei studio flagrantem. peruulgata eius adolescentis virtutum fama, illum sibi comitem peregrinationis, & socium laborum Apostolus adiunxit, sicq; adiutorem operis in Euangelio CHRISTI eundem vbique adhibuit. Siquidem hic vna cum illo propagandae fidei causa modo Ephesum, modo Corinthum profectus, Macedoniam, etiam, Italiam, atque vniuersam terram, praedicando peragrauit. Fuit autem admirabili indole adolescentens; pudice, & caste perpetuo vixit; prudentia, sapientiaq; ita praestitit, vt omne ministerium ei Apostolus concrederet; in Macedoniaq; curam illorum traderet, qui Euangelium susceperat. Demum Ephesiorum factus episcopus, dum ab Dianae cultu populum auocare conatur, Domitiano Imperatore, lapidibus a multitudine pene obrutus, Christianorum ope eo periculo liberatus, ad finitimam montem, qui Pion, dicitur, venit, vbi animam Deo reddidit. Eius corpus Constantinopolim post, Constantino Augusto procurante, translatum est. Eodem die Ebredunii in Gallia, sanctorum martyrum, Honorii, Victoris, & Horontii: qui Diocletiano, & Maximiano Imperatoribus, Ruffini praesidis iussu, varie necati, martyrio coronantur. In Graecia, sancti Maximi Episcopi. is natus Alexandriae, philosophiae, theologiaeq; scientia eruditus, Constantinopolis Episcopus creatus, fidei catholicae causa ab Arianis virgis caesus, & in exilium pulsus, praeclarum contra illorum impietatem librum edidit, quem Mediolani Gratiano principi dedit. Vir fuit spectata vitae sanctitate, & insigni virtute Episcopus, beati Gregorii Nazianzeni concione laudatus, pro CHRISTI domini gloria multis vexatus contumeliis, plurimisq; laboribus perfunctus, ad praemium migravit in caelum. Nouariae, sancti

sancti Gaudentii Episcopi, & cōfessoris. Hic primus illius vrbis Episcopus, multa mirabiliter ac diuine gessit, vitæque sanctitate clarus: quieuit in domino. eius corpus, a suis clericis pie sepultum, claruit multis miraculis. Romæ, sancti Anastasii Abbatis, & confessoris. Is primo Romanæ ecclesiæ notarius, post, eo munere se se abdicat, vt in religionem totum se Deo consecraret. profectus igitur in monasterium, quod est ad Neptunum oppidum, monachalis vitæ rationē suscepit: ibiq; abbas factus, pietate, religione, sanctimonia præluxit. Romæ item sancti Anastasii monachi, & martyris. Hic Cæsareæ in Palestina verberibus, aliisque multis cruciamentis varie tortus, demum in Persia ob Christianam religionem suppliciorum acerbitate affectus, Cosroæ regis iussu, vnà cum sociis septuaginta securi percussus, martyrii coronam accepit. Eius reliquiæ, Hierosolymis Romam translatae, in monasterio ad aquas Saluias coluntur. Hoc ipso die, sancti etiam Vincentii, presbyteri, & martyris.

Decimo Calendas Februarii.

Luna.

B.

1 12 23 4 15 26 17 18 29 10 21 2 13 24 5 16 27 8 19
 A b c d e f g h i k l m n o p q r s t

Romæ, sanctæ Emarantianæ virginis, & martyris. Hæc beatæ 23
 Agnetis collactanea, ad illius sepulcrum orans, ab idolorum cultoribus obruta est lapidibus. Philippis in Macedonia, sancti Parmenæ martyris. Is, è septem diaconis, quos Apostoli constituerunt, vnus, munere suo recte religioseque perfunctus, Traiano Imperatore, multis vexatus contumeliis pro CHRISTI laude, demum martyrio coronatus est. In Aegypto apud Antinoû vrbē, sancti Aselæ martyris. qui primo cruciamentis acerrimis varie affectus, postremo in Nilum fluium præceps deiectus, præclaræ suæ confessionis præmiū tulit. Cæsaraugustæ in Hispania, sancti Valerii Episcopi: qui, Datiani præsidis iussu, ab episcopatu in exilium pulsus, pro fide multa perpeffus, miraculorū laude clarus, quieuit in domino. Neocæsariæ in Macedonia, sanctorū martyrorū, Seueriani, & Aquilæ cōiugū, & Flori filii. li pro perpetua fidei tuendæ cōstantia cōbusti, ad præmiū abie-

D 2 runt

runt in celum Alexandria in Aegypto, sancti Ioannis Eleemosynarii. Hic cum religioſæ omnis vitæ, tum miſericordiæ, qua conferendis eleemoſynis in pauperes uſus eſt, ſtudio vir illis temporibus prelu- cens, cæleſtium virtutum tam multiplex exemplum reliquit, ut il- lius res pie geſtas, a Leontio Cyprio græce cõſcriptas, Nicolaus Pri- mus Pontifex ab Anaſtaſio Bibliothecario latine reddi voluerit. An- cyræ, ſancti Clementis Episcopi, & martyris; qui, Diocletiano Impe- ratore, inauditis excruciatuſ ſuppliciiſ, iuſq; multuſ ac variuſ demũ, cum conſtanter in fide perſiſteret, præciſo capite, martyrii coronam accepit. Moguntia, ſanctorum martyrum, Macarii Abbatiſ, & Euge- nii. In Burgundia, ſancti Maibodi martyriſ: Vienna in Gallia, ſancti Bernardi Episcopi, & cõfeſſoriſ. Toleti in Hiſpania, ſancti Ildephõſi Episcopi, & cõfeſſoriſ. Iſ parentibuſ, & genere, & pietate clariffi- miſ, natuſ, ab ineunte ætate religioni dedituſ, primũ monachuſ, in eo vitę genere multuſ virtutibuſ, & ſanctimonia floruit; poſt è mo- naſterio Toletuſ vocatuſ, illiuſ vrbiſ Episcopus creatuſ, id mune- riſ inuituſ ſuſcepit: at geſſit pie & religioſe. Eodem die, ſancti Marty- riſ monachi, & cõfeſſoriſ, cuiuſ beatuſ Gregoriuſ pontifex reſ ali- quuſ geſtas commemorat.

C.

Nono Calendas Februarij.

Luna.

2 13 24 5 16 27 8 19 30 11 22 3 14 25 6 17 28 9 20
A b c d e f g h i k l m n o p q r f t

24 **A** Ntiocia, ſancti Babylæ, Episcopi, & trium puerorum, Vrba- ni, Prilidiani, & Epulonii, martyrum. Ille, vitæ merituſ, & do- ctrina præſtantiffimuſ, eiuſ vrbiſ factuſ Episcopus, Decio Im- peratore, cum Numerianuſ præſidem, tamquam nefariuſ parici- dam, qui regioſ pueroſ, ſibi in fidem traditoſ, necaſſet, in templu� ingredi conantem, ab aditu prohibuiſſet; id iniquo animo tyrannuſ ferens, primò illum in cuſtodiam includi, tum catheniſ ferreiſ vin- ctuſ, in omneſ vrbiſ parteſ raptari. demum vnà cum tribuſ iuſ pue- riſ, quos Chriſtiana religioſiſ doctrina inſtruxerat, capite mulctari imperat. Eiuſ corpuſ, cum vinculiſ ferreiſ, ut iſ iuſſerat, ſepultuſ,
poſt,

post; Galli Cæsaris iussu, Daphnem, vbi Oracula Apollo reddebat, translatum, cum eam ob causam dæmon illico mutus factus esset, ea re animaduersa, Iulianus Apostata inde asportari iussit: Sicque demum martyris reliquiis Constantinopolim religiose per Christianos translatis, hoc mirabiliter factum est, vt paulo post Apollinis, & templum corrueret, & simulacrum, igne cælitus emisso, cõfrigaret. Neocæsareæ in Mauritania, sanctorum martyrum, Mardonii, Eugenii, Mausonii, & Matelli. Ii quattuor in ignem positi, constanti cõfessione, CHRISTO redemptori illustre testimonium reddiderunt. Eodem die, sancti Feliciani Episcopi, & martyris: qui, Decio Imperatore, varie, grauerq; excruciatu, cursu præclari certaminis confecto, ad præmium migravit in cælum. Hoc ipso die, sanctorum martyrum, Pauli, Pausinii, & Theodotionis. Hic germani fratres, spretis, & contemptis vitæ huius caducis rebus, primùm monachalem disciplinam complexi sunt: post illi duo maiores natu, Diocletiano, & Maximiano Imperatoribus, ob fidem in carcerẽ detrusi, Ariani præfecti iussu terribimis tormentis affecti sunt. Theodotio autem fratrum desiderio, quos in vinculis esse audierat, ad urbem profectus, cum illorum admirandam in perferendis cruciatibus constantiam aliquando spectaret; & præmia eisdem proposita secum reputaret; in medium accurrit; seq; etiam Christianum esse, libere professus, securi percutitur: illi in profluentem proiiciuntur. Cameraci, sancti Autberti Episcopi, & confessoris: qui, Martino primo Pontifice, religiosissimæ vitæ laude floruit. Aruernis, sancti Artenii Episcopi, cuius res pie, ac diuinitus actæ narrantur.

Octavo Calendas Februarij.

Luna.

D. ix.

3 14 25 6 17 28 9 20 1 12 23 4 15 26 7 19 29 10 21
 A b c d e f g h i k l m n o p q r s t

Conuersio sancti Pauli Apostoli: quam beatus Lucas Euangeli 25
 sta in Apostolorum acta retulit. Eodem die, sancti Ananie: qui
 Apostolum Paulum baptizauit, primus Damasci vrbis Episcopus
 extitit. Aruernis in Gallia, Sanctorum martyrum, Donati, Agapæ, &
 Sabini.

I A N V A R I V S .

Sabini. Constantinopoli in Thracia, sanctorum, Iuuentini, & Maximi, martyrum: quorum res gestas beatus Ioannes Chrysoſtomus cōcione complexus est. Eodem die, Gabalis, sancti Seueriani Episcopi. is admiranda sanctitate, doctrinaq; præstāti vir, & diuinarum literarum scientia in primis eruditus, cum libros præclare cōscripsit; tum in concionibus egregie versatus, ab Archadio Augusto ob eam causam sæpe Constantinopolim accersitus est. Aruernes item, sancti Proiecti Episcopi, & martyris: qui ab illis ciuitatis principibus pro fide CHRISTI grauiter vexatus, demum martyrio coronatur. Hoc ipso die, sancti Marini Abbatis: qui vna cum eo ob religionem necatus, constanti fortiq; certamine palmam tulit. In Græcia, sancti Gregorii Theologi, Episcopi & confessoris: de quo, septimo idus Maii. Antiochiæ, sancti Maximi Episcopi, & confessoris.

E. *Septimo Calendas Februarij. Luna.*

14 15 16 7 18 29 10 21 2 13 24 5 16 27 8 19 30 11 22
A b c d e f g h i k l m n o p q r f t

26 **S**Myrnæ, sancti Policarpi Episcopi, & duodecim sociorum martyrum. Is beati Ioannis Apostoli, & Euangelistæ discipulus, Irenæiq; magister, sanctitate, doctrina, & omni virtutum laude clarus, Smyrnenſium Episcopus, Aniceto Pontifice, Romam venit: multos ab Valentini, & Cerdonis impietate ad veram catholicæ fidei doctrinam reuocauit: ad Philippenses valde vtilem epistolam scripsit: Apostolicas traditiones diligenter docuit. Demum, Marco Antonio, & Lucio Aurelio Imperatoribus, comprehensus, cælesti voce ad subeundum certamen confirmatus, admiranda constantia pugnam sustinet; sicq; frequentissima Iudæorum, & Græcorum multitudine acclamante, primo in ignem positus, tum in rogo gladio confossus, migravit ad CHRISTVM dominum. Duodecim alii, è Pamphilia profecti, vna cum eo martyrium subierunt. Laodiceæ, sanctorum martyrum, Theogenis, & aliorum triginta sex sociorum: qui, contempta morte pro CHRISTI gloria, sempiternā vitā adepti sunt. Eodē die, sancti Iuliani martyris. In finibus Parisiorum, sanctæ Bathildis reginæ,

ginæ, quæ Lotharii Regis mater, Vitaliano Pontifice, rerum, quas diuine pieq; egit, laude illustris, quieuit in domino. In Belgis, sancti Goberti confessoris. In Græcia, sancti Xenophontis confessoris. Hic excellenti in Deum pietate, ergaq; pauperes benignitate incredibili, Hierosolymâ profectus, monasticæ vitæ instituta suscepit: in eaq; viuendi ratione ita se excoluit, vt Dei gratia, ac dono multis mirabiliter gestis rebus, actaq; sanctissime vita, abierit ad dominum. Treuiris, sancti Marii Episcopi, & confessoris. Florentiæ, translatio sancti Zenobii Episcopi, & confessoris. Apud Centum cellas, sancti Theophanii confessoris: cuius vitam, & virtutes beatus Gregorius Pontifex litteris mandauit.

Sexto Calendas Februarij.

Luna.

F.
xvii.

15 16 27 8 19 30 11 22 3 14 25 6 17 28 9 20 1 12 23
A b c d e f g h i k l m n o p q r s t

Sancti Ioannis Chrysostomi Episcopi, & confessoris. Hic ab sæcu 27
laribus studiis ad diuina conuersus, primò Antiochenæ ecclesiæ presbyter; post, mortuo Nectario, Constantinopolitanæ ecclesiæ Episcopus creatus, Christianæ religioni plurimum profuit & exemplo, & doctrina. Cuius sancti viri reliquiæ trigesimo post anno, quàm is ex vita hac migravit, Proclo Constantinopolitano patriarcha auctore, Theodosii Augusti iussu, Constantinopolim hoc ipso die asportatæ, in sanctorû Apostolorû templo collocatæ; inde Româ post trāslatæ, in Basilica Vaticana reconditæ sunt. Eodem die, sancti Anania martyris: qui, Diocletiano Cæsare, apud Maximum præfectum, Christianam fidem sponte professus, grauiter in idolorum cultû inuectus est. itaque comprehensus, primum verberibus cæditur; deinde candentibus subulis perfoditur; post, vulneribus, quæ sic accepit, sale & aceto perfricatis, in custodiâ includitur, vt eo loco fame necaretur. Sed diuinitus factû est, vt p̄ septē dies cibo cælesti is aleretur. Quod vbi animaduertit carceris custos, Petrus, relicta impietate, Christianâ amplexus est religionē. quã obrē hic vnâ cū eo p̄fecti iussu rotæ alligatus, in craticula yterq; collocatur succēso igne: quo

IANUARIUS.

quo derepente mirabiliter restincto, tortores ubi rei admirabilitatem perspexerunt, CHRISTVM Deum libera voce profitentur. atque sic quidem hi, qui septem erant, & illi ambo, Ananias, & Petrus, in mare projecti, ad martyrii palmam peruenerunt. Bethlehem in Iudæa, sanctæ Paulæ, matris Eustochii uirginis. Hæc nobilissima mulier Romana, mortuo uiro, uidua Romæ quinque annos mansit; deinde omnem Iudæam, & Aegyptum religiose peregrinata, in oppido Bethlehem confedit: ubi, quattuor ab se extructis monasteriis, uiginti ipsos annos sancte uixit. Cuius uitam, uirtutibus admirabilem, beatus Hieronymus scribit longo coronatam esse martyrio. In Africa, sanctorum martyrum, Datii, Reatrii, Aemiliani, Archimini, Armati, Caii, Auiti, & Adiuti: qui, Vandalis ecclesiam Dei oppugnâ tibus, pro CHRISTI fide fortiter dimicatione suscepta, martyrii coronam acceperunt. Hoc item die, sanctorum, Doti, Iuliani, Vincentii, & uiginti septem martyrum. Romæ, sancti Pauli primi pontificis. Hic in pauperes, ægros, uiduas, pupillos, aliosq; egentes, misericordiam, & liberalitatem magnam contulit: beatæ Petronillæ uirginis corpus transtulit. Sancti præterea Vitaliani pontificis. Hoc etiâ die, sancti Mauri Abbatis; & confessoris: cuius uita sanctissimæ acta in Babacensi monasterio legitur. In Belgis, sancti Sulpitii Episcopi, & confessoris. Cabilonis, sancti Lupi Episcopi, & confessoris. Cenomanis, sancti Iuliani Episcopi. Hic oculorum aspectum cæco, crucis signo restituit; tres mortuos orationis ui ad uitam reuocauit: Cenomanensium principem, ei usq; familiam uniuersam ad ueri Dei cultum conuertit: eiusdem ædes Deo in ecclesiam dicauit. His, aliisq; multis diuine, mirabiliterq; actis, uitæq; sanctissime laude clarus, obdormiuit in domino.

G. vi.

Quinto Calendas Februarij.

Luna.

9 17 28 9 21 1 12 23 4 15 26 7 18 29 10 21 2 13 24
A b c d e f g h i k l m n o p q r s t

28 **R** Omæ, sanctæ Agnetis, secundo. idq; quoniam ea, parentibus, aliquot dies ad sepulcrum uigilantibus apparuit. Apolloniæ, sanctorum

sanctorum martyrum, Leucii, Thirsi, & Galenici. Hi præsidum iussu, Decio Imperatore, varie excruciat, in summa confessionis constantia, duo securi percussæ sunt. Thirsus autem, caelesti voce euocatus, animam Deo reddidit. Antiochiæ, sancti Hippolyti martyris. Romæ, sancti Flauiani martyris: cuius, in persecutione Diocletiana, certamen pro CHRISTO susceptum, nobile extitit. Nicomediæ, sanctorum martyrum, Indæ, & Domnis, & viginti millium: qui, in Maximiani oppugnatione constantissimæ pro fide dimicationis palmam, profuso sanguine, tulerunt. Antiochiæ, sanctorum martyrum, Flauiani item Episcopi, Deodati, & Pelagiani clericorum. Hi, Iuliano Apostata Imperatore, cruciamentis ob fidem affecti, martyrii cursu confecto, coronantur. In Africa, sanctorum, Censoriani, Victoris, Festi, & Marinæ martyrû. Antiochiæ etiam, sancti Iuliani Sabæ, heremitæ; omni pietatis, religionisq; laude clarissimi. Edessæ in Syria, Sancti Ephrem confessoris. Hic, maximis virtutibus præstans, Constantino Magno Imperatore, rem Christianam, & pie agendo, & vtiliter docendo, scribendoq; valde adiuuit. demum multis meritis cumulatus, extrema senectute, quieuit in domino. Alexandria, sancti Cyrilli Episcopi, acerrimi, religiosissimiq; fidei catholicæ defensoris. Rhemis in Gallia, sancti Turpini, Episcopi, & confessoris: qui diuinarum litterarum scientia eruditus, pauperum patronus, in sanctissimæ vitæ institutis piè versatus, multis mirabiliter diuina ope actis rebus, obdormiuit in domino. Cisonii in Belgis, sancti Arnulphi martyris. Aquisgrani in Germania, sancti Caroli regis, confessoris. Is multis ædificatis augustissimis templis, & nationibus ad Christianam religionem à se conuersis, aliisq; summo pietatis studio præclare gestis, Magni cognomen adeptus, tum demum in domino quieuit, in sanctorumq; numerum ab Paschali Pontifice relatus est. Tornodori in Rhemorum finibus, sancti Ioannis presbyteri, viri Dei. Nouocomi, sancti Rainaldi Episcopi, & confessoris. Tolosæ, translatio sancti Thomæ aquinatis.

A. Quarto Calendas Februarij. Luna.

7 18 29 10 21 2 13 24 5 16 27 8 19 30 11 22 3 14 25

A b c d e f g h i k l m n o p q r s t

29 **R**omæ, via Numentana, sanctorum martyrum, Papiæ, & Acauri: qui, animaduersa Saturnini, & Sifinnii martyrum constãtia, CHRISTI domini fidem amplexi, Diocletiano Imperatore, à Laodicio vrbs præfecto in vincula coniecti, post virgis casti, postremo plumbatis tamdiu percussi, quoad animam Deo reddiderunt: quorum corpora beatus Marcellus Pontifex vna cum Ioanne presbytero in sepulturam tradidit. Eodem die, Romæ item, sanctorum, Cyriaci, Aproniani, & sociorum martyrum: qui, illo Imperatore, ob fidem CHRISTI datis ceruicibus, coronati sunt. Treuiris, sancti Valerii Episcopi. Hic vnus è septuaginta duobus discipulis, beati Petri, Apostolorum principis, auditor, in Galliam missus, ingenti sollicitudine ad Euangelii propagationem attentus, mortuo Eucharis, in eius locum creatus Episcopus, cum annos quindecim Treuirensi ecclesiæ præfuisset; vitæ innocentia, pietatis, episcopaliumq; virtutum, laudè florens, obdormiuit in domino. Edessæ, sanctorum martyrum, Sarbelii, & Barbeæ sororis. Is idolorum sacerdos à Barsimæo, illius vrbs, Episcopo, impietatis vehementer reprehensus, adiutrice Dei gratia, illius dictis audiens, Christiana religione imbuitur; vnaq; cum sorore baptizatur. Quod cum Lysias Præses rescisset; comprehensum Sarbelium, primo virgis cædi, scalpro laniari, igne toreri; post binis lignis inclusum, secari; ac demum vnâ cum sorore, grauissime, & variè ante cruciata, Traiano Cæsare, capite plecti imperauit. Hoc ipso die, sancti Hippolyti Episcopi, & martyris, ac sociorum. Hic, Claudio Imperatore, tanta Christianorum cæde commotus, diuinoque incensus zelo, grauiter illum coram accusauit. quamobrem tyrannus, corde ira cumulato, animoque impotenti, iussit beatum Hippolytum, eiusq; socios, presbyteros, diaconos, acerbissime primum tortos, saxi grauissimis ad manus, pedesq; alligatis, in mare proiici. In Agro Treassinio, sancti Fabiani martyris, Aureliano Imperatore, pro CHRISTI fide necati. Eodem loco, hoc ipso die, sancti Sauiani

Sauiani martyris, illo etiam imperante, in summa confessionis cōstātia, gladio percussus. Mediolani, Sancti Aquilini presbyteri, & martyris. Is fidei catholice tuendæ studio inflammatus, Germaniam, Galliam, & Italiam peragravit, contra Arianorum perfidiam dimicatione suscepta: demum Mediolanum profectus, ab illis ob fidei catholice defensionem teterrime necatus, ad præmium migravit in cælum. Perusiæ, sancti Constantii Episcopi, & martyris: qui beati Herculani Episcopi discipulus, post illius obitum creatus Episcopus, à Gothis fidei causa interfectus est vnà cum sex aliis, qui secum e Germania ad eam urbem peregrinati sunt. Eodem die, sanctæ Otiliæ virginis.

Tertio Calendas Februarij.

Luna.

B.

xiii.

8 19 30 11 22 3 14 25 6 17 28 9 20 1 12 23 4 15 26
 A b c d e f g h i k l m n o p q r s t

ANtiochia, sancti Hippolyti martyris: qui, Nouati scismate ali quantulum primò deceptus; post, errati pertæsus, ad ecclesiā rediit; in qua constanter permanens, pro fide illustre martyrium subiit. Edessæ in Syria, sancti Barsimæ Episcopi, & martyris: qui Sarbelium, vt supra narrauimus, ab idolorum cultu reuocatum, cum baptizasset, Traiano imperatore, a Lysia ob eam causam comprehensus, grauissime cæsus, omni virtutum laude, obiit in domino. Eodem die, sancti Alexandri. is, Decio Imperatore, ob fidem in vincula detrusus, inde cum ad tribunal vltro citroque duceretur, in ipsis tormentis Deo gloriam tribuens, senex admodum, qui euit in domino. Mutinæ, sancti Geminiani Episcopi, & confessoris: ad cuius sepulcrum multa, Dei munere edita, miracula narrantur. Hierosolymæ, sancti Matthiæ Episcopi: qui octauus post Iacobum Apostolum Episcopus ei ecclesiæ præfuit. De eores admirandæ, fideique plenæ commemorantur. Pro CHRISTI domini gloria demum idem multa perpeffus, migravit in cælum. Mediolani, sanctæ Sauinæ matronæ: cuius pietate, corpora beatorum martyrum, Naboris, & Felicis, ad illam urbem translata sunt. Papiæ, sancti Armentarii Episcopi, & confessoris:
 E 2 cuius

cuius corpus, vbi reconditum est, diuino munere, multis miraculis eluxit. In Belgis apud Malbodium monasterium, sanctæ Aldegundæ virginis: quæ Angeli admonitu, in virginali vita perpetuo perseverans, tandem magno cum splendore cælestis luminis, ad vitam commigrauit æternam.

C. iii. *Pridie Calendas Februarij. Luna.*

9 20 1 12 23 4 15 26 7 18 29 10 21 2 13 24 5 16 27
A b c d e f g h i k l m n o p q r f e

31 **R** Omæ, sanctorum martyrum, Cyri, & Ioannis: hic Edeffæ, ille Alexandria natus, vterque Romæ, Diocletiano Imperatore, in carcerem coniectus, verberibus cæsus, accensis facibus adustus, feruenti pice delibutus, tandem, præcis ceruicibus, coronatur. Alexandria, sancti Metrani martyris. Hic ab fidei hostibus verba impia proferre iussus, hoc maxime recusans, fustibus fractus, ac debilitatus, in vultu præacutis calamis percussus, ab vrbe cruciatibus pulsus, lapidibus denique foris obrutus, obdormiuit in domino. Hoc ipso die, eadem in vrbe, sanctorum martyrum, Saturnini, Tarsichi, Gelasii, Thyrsi, & Peliani: qui, clericalis ordinis homines, in Deciana persecutione, varie, grauiterq; cruciati, confirmatis mirandum in modum animis, in fidei confessione, corona cælesti donati sunt. Alexandria præterea, sanctorum, Cyri etiam, Ioannis, Aspasie matris, & trium filiarum virginum. quorum omnium martyrii, Diocletiano, & Maximiano Imperatoribus, fortiter suscepti consecrata in terris memoria, in cælis ipsi gloria perfruuntur sempiterna. Eodem die, sanctæ Triphenis martyris. Hæ czelo Christianæ fidei, cuius erat studiosissima, commota, cum facer damoni dies celebraretur, in medium procurrit, execrabilemque idoli cultum detestata, & cultores impios, & spectatores reprehendens, vero Deo, repudiatis falsis Diis, adhærendum esse ostendit. quam ob causam Cæsarii præfecti iussu comprehensa, in ignem iniicitur: a quo periculo liberata diuinitus, equuleo suspenditur; inde, soluta repente, in terram prolabitur, vbi defixis de industria præacutis clauis, grauiissime confoditur.

Post,

Post, bestiis variis obiecta, neque ab iis ullo modo violata, demum a tauro necata, martyrii præclari palmam tulit. Prudenti, sancti Vigili Episcopi, & martyris. Is ciuis Romanus, Athenis liberalium artium disciplinis, sacrisq; litteris eruditus, Tridētinorum Episcopus factus, admiranda constantia illis Euangelium **I E S V C H R I S T I** prædicauit: cuius nomine multis editis miraculis, eius diuinitatem palam docuit: contra hæreticos pie, & docte scripsit; nefarium Saturni cultum, qui in valle quadam, ad Sarcham fluuium sita, celebris erat, dum euertere contendit, ab illius loci in colis, barbaris hominibus, lapidibus obrutus est. Qua martirii, & aliarum rerum, sancte gestarum, laude clarus, migravit ad dominum. Hoc etiam die, sanctæ Marcellæ viduæ: quæ contemptis opibus, ac nobilitate spreta, postq; viri obitum, recusatis alterius nuptiis, paupertatem, humilitatem, castitatem, sacrarum litterarum studium, precum assiduitatem, ceterasq; Christianæ pietatis exercitationes ita amplexa est, vt beati Hieronymi litteris commendata sit illius uita, sanctissime acta. Mediolani, sancti Iulii confessoris. Hic, in Græcia natus, ab in- eūte ætate, Christianæ religioni deditus, Romam peregrinatus, diu ad aquas Saluias fuit; inde in Liguriam venit. qua in peregrinatione id maxime egit, quod sibi de ædificandis Ecclesiis propositum, ab Theodosio Imperatore impetrarat, vt sibi liceret, in omnibus Imperii Romani prouinciis, ædes sacras Deo cōstruere, dirutis idolorum templis. Ea pietatis laude, vitæq; sanctitate, miraculis comprobata, obdormiuit in domino. Eboraci in Britannia, sancti Gandi Episcopi, & confessoris. Venetiis, Translatio sancti Marci Euāgelistæ, quæ, Valentino Pontifice, facta est.

Calendas Februarij.

Luna.

10 21 2 15 24 5 16 27 8 19 30 11 22 3 14 25 6 17 28
 A b c d e f g h i k l m n o p q r s t

Romæ, sancti Ignatii Episcopi, & martyris. Hic Antiochenæ ec-
 clesie tertius post beatum Petrum Apostolum Episcopus,
 Traiano Dei oppugnante, Romam vinctus ducitur: vbi primum in-
 auditis

cuius corpus, vbi reconditum est, diuino munere, multis miraculis eluxit. In Belgis apud Malbodium monasterium, sanctæ Aldegundæ virginis: quæ Angeli admonitu, in virginali vita perpetuo perseverans, tandem magno cum splendore cælestis luminis, ad vitam commigrauit æternam.

C. iii. *Pridie Calendas Februarij. Luna.*

9 20 1 12 23 4 15 26 7 18 29 10 21 2 13 24 5 16 27
A b c d e f g h i k l m n o p q r f e

31 **R** Omæ, sanctorum martyrum, Cyri, & Ioannis: hic Edeffæ, ille Alexandria natus, vterque Romæ, Diocletiano Imperatore, in carcerem coniectus, verberibus cæsus, accensis facibus adustus, feruenti pice delibutus, tandem, præcis ceruicibus, coronatur. Alexandria, sancti Metrani martyris. Hic ab fidei hostibus verba impia proferre iussus, hoc maxime recusans, fustibus fractus, ac debilitatus, in vultu præacutis calamis percussus, ab vrbe cruciatibus pulsus, lapidibus denique foris obrutus, obdormiuit in domino. Hoc ipso die, eadem in vrbe, sanctorum martyrum, Saturnini, Tarsichi, Gelasii, Thyrsi, & Peliani: qui, clericalis ordinis homines, in Deciana persecutione, varie, grauiterq; cruciati, confirmatis mirandum in modum animis, in fidei confessione, corona cælesti donati sunt. Alexandria præterea, sanctorum, Cyri etiam, Ioannis, Aspasie matris, & trium filiarum virginum. quorum omnium martyrii, Diocletiano, & Maximiano Imperatoribus, fortiter suscepti consecrata in terris memoria, in cælis ipsi gloria perfruuntur sempiterna. Eodem die, sanctæ Triphenis martyris. Hæ czelo Christianæ fidei, cuius erat studiosissima, commota, cum facer damoni dies celebraretur, in medium procurrit, execrabilemque idoli cultum detestata, & cultores impios, & spectatores reprehendens, vero Deo, repudiatis falsis Diis, adhærendum esse ostendit. quam ob causam Cæsarii præfecti iussu comprehensa, in ignem iniicitur: a quo periculo liberata diuinitus, equuleo suspenditur; inde, soluta repente, in terram prolabitur, vbi defixis de industria præacutis clauis, grauiissime confoditur.

Post,

martyrum, Ingenui, & Cyriaci. In Græcia, sanctorum, Hermili, & Stratonici, martyrum. Parma, sancti Hilarii Episcopi, & confessoris. Rhemis, sancti Remigii Episcopi, cuius celebritas calendis Octobris, quo die eius corpus translatum est, ab Ecclesia agitur. Treueris, sancti Agritii Episcopi. Hic Siluestri Pontificis iussu, Helena, Constantini Cæsaris matre, postulante, ad Treuiros ex Antiochia profectus, eam ciuitatem, quæ sanctorum, Eucharii, Valerii, & Martiani prædicationibus, CHRISTI IESU fidem olim amplexa, ad idolorum cultum redierat, ab illa impietate reuocauit. Eodem die, Ambiani, translatio sancti Firmini martyris. qua in translatione multa miracula diuinitus facta sunt. calor enim æstus, adulta tum heme, maximus factus est: arbores, a frondibus nudæ, frondescere ceperunt: quibus frondibus ægri sanabantur. Viennæ, sancti Veri Episcopi, qui Euantio, viro sanctissimo, in illius vrbis episcopatum successit. In Verdiaco monte, translatio sancti Viuentii confessoris. is e Samaritanis parentibus, Christiani nominis hostibus, natus, beati Georgii, Antiochiæ Euangelium prædicantis, opera ad fidem conuersus, ac deinde sacerdos factus, Angeli monitu Antiochiã venit. qua in vrbe Deciani Præsidis filiam a dæmonio liberauit: multos baptizauit. Romam denique proficiscens, in itinere multa miracula edidit. Natus annos centum & viginti, migravit ad dominum.

G. 2.

Decimo nono calendæ Februarij.

Luna.

22	3	14	25	6	17	28	9	20	1	12	23	4	15	26	7	18	29	10
A	b	c	d	e	f	g	h	i	k	l	m	n	o	p	q	r	s	t

14 **P**ictauis in Gallia, sancti Hilarii Episcopi, & cōfessoris. Hic Episcopus factus, pastorale munus summa cū laude gessit. Catholicæ fidei defensor, multis Arianorū petitis insidiis, tādē dolo Saturnini, Arelatensis Episcopi, in Phrygiã relegatur. inde quattuor post annos ad Ecclesiã suã reuocatus, ita egit, vt pastorali suo studio Gallia vniuersa, repudiata Ariana impietate, catholicã fidem tueretur, aliis præterea rebus mirabiliter, diuineq; gestis, & doctrina clarus, migravit ad dominũ, Valente, & Valẽtiano, Imperatoribus. Nolæ, in Campania,